



UNIVERSITÄTS-
BIBLIOTHEK
PADERBORN

Universitätsbibliothek Paderborn

Svmmvla Casvvm Conscientiae De Sacramentis

Gretser, Jacob

Ingolstadii, 1611

Antipharmacum.

urn:nbn:de:hbz:466:1-40295

Antipharmacum.

HÆC omnia elidit illud Redemptoris nostri pronuntiatum. Ioan. 3. *Amen Amen dico tibi, nisi quis renatus fuerit ex aqua ex Spiritu, non potest introire in regnum Dei:* Hoc effatum generale est æquè ad infantes ac alios pertinens. Et scriptura testatur; saluos nos fieri *per lauacrum regenerationis.* Ergo ante consecutionem huius lauacri nemo salutem obtinet: Neque dicit scriptura: salutem nostram *per regenerationis lauacrum obsequari:* Sed tum primum *obtineri;* quandoquidem ante hoc lauacrum omnes sunt *filij iræ:* nec in societatem filiorum Dei cooptantur, nisi per baptismatis Sacramentum. *Quisquis dixerit, inquit S. Augustinus, quod in Christo uiuificabuntur etiam paruuli, qui sine Sacramenti perceptione de uita exeunt, hic profecto & contra Apostoli Prædicationem uenit & totam condemnat Ecclesiam.* Calvinus ergo & Beza aduersantur Apostolo, & totam Ecclesiam condemnant. Nam ut ibid. S. Augustinus scribit, *Christi Ecclesia nec paruulos recentissimè natos à damnatione credit, nisi per gratiam nominis Christi, quam in suis Sacramentis commendauit, posse liberari.* Caluini ergo & Bezæ Ecclesia, quæ contrarium credit, docet, prædicat, non est Christi Ecclesia, sed satanæ Synagoga.

S. Augustin,
Epist. 28.

Quæritur XVIII. Vtrum infans possit ac debeat baptizari, quando nec dum plenè ac perfectè ex utero prodiit, sed tantum manu, vel pede, vel capite prominet, præsertim si periculum sit, ne ante moriatur, quàm toto corpore in lucem exponatur.

Respondet Lutherus in Colloq. Symposiacis, negatiuè *quia homo priusquam baptizatur, totus debet esse natus*
quia

quia *Christus dicit: Es sey dann daß der Mensch ge-
born werde. Ioan. 3. Nisi quis natus fuerit, &c.*

Antipharmacum.

QVAMVIS Ioannis cap. 3. non dicatur absolute; nisi quis natus fuerit; sed, *nisi quis renatus fuerit denuò*; hoc est, secundo, per natiuitatem spiritalem, quam scriptura vocat, *regenerationem*, quæ in baptismo perficitur; id tamen non refert. quia *Cassia* nostro plenum suppetitius, scripturas arbitrato suo citandi, explicandi, vertendi, flectendi & inflectendi: hinc etiam iure suo fingere hîc potuit; Christum dicere; hominem non posse introire in regnum Dei, atque adeo neque baptizari, nisi prius plenè & perfectè ex vtero materno processerit: licet membro aliquo ex præcipuis exstet; quod paulò post in S. *Von der Tauffe / so von Weibern in der Noth geschicht: De Baptismo, qui à mulieribus in casu necessitatis confertur*; Lutherus iterum ingerit.

Vide autem, quàm acutè probet Lutherus suam opinionem: *Quia anima non est tota in qualibet parte infantis: Ergo homo non potest baptizari, nisi plenè & perfectè exierit ex vtero. Diser Jerhumb Kompe vom Aristotele her / der schreibt / daß die Seel sey in einem ledlichen Stuck / oder Gliedmas der Menschen. Error iste (infantes exstantes membro aliquo principaliore, baptizari posse, cum scilicet periclitantur de vita) natus est ex Aristotele, qui scribit, animam esse in qualibet parte seu membro hominis. Vbi innuit Lutherus, animam humanam non esse totam in toto, & totam in qualibet parte hominis; sed totam in toto, & partim seu partialiter, in parte; atque adeò eam esse diuisibi-*